



MODELO CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A ASOCIACIÓN CLUSTER DO GRANITO CO FIN DE ACOLLER BOLSEIROS/AS DE INTERNACIONALIZACIÓN.

En Santiago de Compostela, a 11 de Xullo de 2016

REUNIDOS

Dunha parte, o Sr. D. Javier Aguilera Navarro, en representación do Instituto Galego de Promoción Económica (Igape), con CIF Q 6550010J e domicilio en Complexo Administrativo de San Lázaro s/n 15703 Santiago de Compostela. (A Coruña). Está facultado para este acto segundo o acordo de delegación de facultades do Consello de Dirección do Igape de data 29 de marzo de 2012 (DOG núm. 78, do 24 de abril de 2012).

E doutra parte, o Sr. D. José Ángel Lorenzo Ramírez en representación da Asociación Clúster do Granito, con CIF 36.099.550S e domicilio en Rúa Ribeira-Torneiros, O Porriño, Pontevedra

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 23 de outubro de 2015 publicáronse as bases reguladoras do Programa de adquisición de competencias profesionais en materia de internacionalización empresarial.
- 2.- Que estas bases regulan a concesión dun máximo de 60 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e, para investigación das posibilidades de cooperación internacional entre empresas galegas e estranxeiras.
- 3.- Que os posibles destinos dos bolseiros indicados nas bases son: oficinas da rede Pexga, antenas Igape no estranxeiro, oficinas comerciais de España no exterior, cámaras de comercio españolas no estranxeiro, organismos multilaterais, Igape, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e acceso das empresas galegas a profesionais con este perfil.
- 5.- Que, convindo aos lexítimos intereses dos comparecentes, acordan regular a dita colaboración de acordo coas seguintes



CLÁUSULAS

PRIMEIRA.-

É obxecto do presente convenio regular as relacións de colaboración entre o Igape e o Clúster do Granito para a acollida de un bolseiro da convocatoria de bolsas de internacionalización do Igape.

SEGUNDA.-

A duración inicial da bolsa no organismo de acollida é de 10 meses e, a data de comezo estímase durante o mes de Agosto de 2016. A dita duración poderá ser prorrogada polo Igape por un período máximo de doce meses adicionais en consideración á conveniencia de finalizar etapas de formación que xa estivesen comezadas ou a piques de comezar na data de finalización da bolsa, sempre e cando o Clúster do Granito acepte a prolongación da estadia.

A dotación da bolsa será pagada integramente polo Igape ao bolseiro, e inclúe todos os impostos de carácter persoal así como a Seguridade Social. O Igape non aboará ningunha cantidade á entidade colaboradora. No caso de que das tarefas encomendadas polo organismo se incurra noutros gastos non cubertos polas bases reguladoras do programa, estes gastos serán por conta do organismo.

O Igape asignará o bolseiro a o Clúster do Granito tendo en conta a puntuación final obtida polo bolseiro na resolución definitiva, e as súas preferencias.

O Igape poderá substituír ao bolseiro no caso de renuncia do bolseiro anterior ou por cambio de destino por causa xustificada.

TERCEIRA.-

A colaboración do Clúster do Granito consistirá en:

- A execución, dentro do horario laboral, do plan de formación plantexado por Clúster do Granito, que se une como anexo ao presente convenio.
- A realización, a través do(s) titor(es) proposto(s) e que se indica no anexo ao presente convenio, do seguimento da actividade desenvolta polo bolseiro dentro do programa de formación establecida, e a provisión do asesoramento necesario para o seu correcto desenvolvemento e integración.
- A realización e envío ao Igape de informes acumulados trimestrais de execución e resultados do programa de formación, así como o informe final.
- Permitir a execución por parte do bolseiro de tarefas complementarias que o Igape lle poida asignar así como a participación en reunións, seminarios,... aos que o bolseiro sexa convocado polo Igape, sendo neses casos por conta do Igape os gastos de desprazamento, que se aboarán directamente ao bolseiro como parte da dotación da bolsa.
- A posta a disposición das instalacións e os medios apropiados para o desenvolvemento da bolsa.
- A inclusión do bolseiro no plan de prevención de riscos do Cluster do Granito, asegurándose de que é coñecedor do dito(s) plan(s).
- O bolseiro deberá cumprir co réxime de ordenamento interno do Clúster do Granito.
- Subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.



CUARTA.-

As actividades do beneficiario serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O bolseiro deberá estar en todo momento supervisado e controlado polo titor que se lle designe, que será quen adopte calquera decisión que se considere necesaria e vele porque o beneficiario aproveite con éxito o proceso de formación.

Os dereitos e obrigas establecidas en virtude do presente convenio de colaboración non presupoñen relación laboral nin de servizos entre Clúster do Granito e o bolseiro.

QUINTA.-

A entrada en vigor do convenio será desde a data efectiva de incorporación do bolseiro a o Clúster do Granito. A súa duración será de 10 meses podendo prorrogarse por doce meses adicionais se existe conformidade ao respecto polas dúas partes.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida polo director xeral do Igape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o Igape considere convintes, vinculadas ás actividades formativas dos beneficiarios en relación coa bolsa concedida

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.

OITAVA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 30/92, do 26 de novembro, de réxime xurídico das administracións públicas e do procedemento administrativo común e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade asínase por duplicado exemplar no lugar e data arriba indicados.

Polo Igape:

Por Clúster do Granito:

Asdo.: Javier Aguilera Navarro

Asdo.: José Ángel Lorenzo Ramírez



ANEXO PLAN DE FORMACIÓN	
NOME TITOR BOLSEIRO:	José Ángel Lorenzo Ramírez
MERCADOS DE INTERESE:	Estados Unidos de América México Arabia Saudí Polonia Rusia Reino Unid
ACCIONS INTERNACIONALIZACIÓN PREVISTAS 2016/2017:	Accións de promoción exterior conxunta de empresas galegas / País/ data / nº empresas participantes: 1. Misiones empresariales directas / Gran Bretaña / Octubre 2016 / 6 + Cluster 2. Participación en ferias: Coverings 2016 / Estados Unidos / 18-21 abril 2016 / 5 Isfahán 2016 / Irán/ 1-5 mayo 2016 / 4 + Cluster Batimatec 2016 / Argelia / 3-7 mayo 2016 / 4 Middle East Stone 2016 / Dubai/ 23-26 mayo / 6 + Cluster London Build 2016 / Gran Bretaña / 26-27 Octubre 2016 / 7 + Cluster The Big 5 Show / Dubai / 21-24 Noviembre 2016 / 4 + Cluster The International Surface Event 2017/ 18-20 enero 2017 / 4 + Cluster Coverings 2017 / Estados Unidos / abril 2017 / 7 + Cluster The Natural Stone Show 2017 / Gran Bretaña / 25-27 abril / 7 + Cluster Isfahán 2017 / Irán / Mayo 2017 / 4 + Cluster Batimatec 2017/ Argelia / Mayo 2017 / 5 + Cluster Middle East Stone 2017 / Dubai / Mayo 2017 / 6 + Cluster 3. Campañas de publicidad en prensa / - / 12 4. Elaboración de material promocional / - / 12 5. Rexistro de marca / - / 12
PLAN DE TRABAJO E TAREFAS DO BOLSEIRO:	* Promoción y difusión de las actividades y servicios del Clúster. * Investigación e inteligencia de mercados y operadores de la piedra natural y sus competidores (países, marcas, empresas, etc.) * Comprensión y análisis estratégico del mercado de la piedra (entornos normativos, de mercados, del sector gallego, etc.) desde la perspectiva de su cadena de valor. * Colaboración en la ideación, preparación, gestión y, en su caso, justificación de proyectos y servicios sectoriales en ámbitos relacionados con la competitividad y la internacionalización sectorial y de las empresas asociadas que el Clúster o sus socios promuevan. * Colaboración en cualquier proyecto de interés sectorial que el Clúster desarrolle y se le asigne participar por parte de la Dirección Vigilancia Competitiva: * Análisis económico-financiero de las empresas del sector del granito. • Vigilancia Comercial: * Análisis de indicadores del sector de la construcción y proyecciones a medio/largo plazo. * Análisis del comercio internacional (importaciones/exportaciones) del sector. * Estudio de la evolución en el nivel de precios de exportación. • Vigilancia del entorno: * Análisis macroeconómico de variables de coyuntura para mercados



	actuales y potenciales y proyecciones a medio/largo plazo. * Actualización de las series de datos de la web del Sistema de Vigilancia Competitiva del Sector del Granito (http://www.sivicom.es/). * Análisis macroeconómico de variables de coyuntura para mercados actuales y potenciales y proyecciones a medio/largo plazo. * Análisis de indicadores del sector de la construcción y proyecciones a medio/largo plazo. * Estudio de la evolución del comercio internacional y los niveles de precios de intercambio. * Evaluación económico-financiera de las empresas graniteras gallegas. * Desarrollo de herramientas de Vigilancia estratégica para la mejora de la competitividad de las compañías. * Actualización de series de datos del SIVICOM (Sistema de Vigilancia Competitiva del Granito de Galicia). • Proyectos relacionados con la competitividad y la internacionalización o de cualquier otro tipo que promueva el Clúster: * Colaboración en la ideación, preparación, gestión y justificación de proyectos en los que participe el Clúster ya sea en órdenes de ayuda pública o con fondos propios. • Promoción de los servicios, proyectos y actuaciones del Clúster
--	---